

HUMIROSIS 2011

„Klatsch und Tratsch“

„Dä Gwunder isch öppis wunderbars –
dä Gwunder isch öppis tolls
Mier Frauä sind gwundrig,
das macht üs so bsundrig
Drum simmer ufs Gwundrig-sii stolz“

**Fäischter, Bödä, WC-Schüsslä
s giht immer öppis z’putzä
Hosä flickä, Sockä stopfä
Ziit muess mä hüt guet nutzä
und hämmer no chli frii dernäbä
für Nüüs sind mier parat
Mier lönd üs wählä, das isch wahr
i Frauä-Bundesrat**

„Girls Girls Girls
Calmy-Rey, Leuthard, Schlumpf und Sommaru-uga
und jetzt, jetzt chömed mier
Girls Girls Girls Girls Girls“

**Dä Schönheitswahn grassiert dur d Wält
nüschtens au bi üs
Dass jedi wett die Schönschti sii
das isch ja au nüd Nüüs.
Botox, Liftä, Straffä und
au Fett absaugä la
Hend mier bereits scho hinder üs, jetzt chund dä
Zahnarzt dra, es nüüs Gebiss muesch ha**

„Hirni brauch ich nicht zu haben, aber schön mudd ich
dein, schön mudd ich dein, schön mudd ich dein...“

**Buubehördä isch im Stress
d’Verfahrä duuräd z’lang
Vom Gsuäch bis zur Bewilligung
risst mängä Närvestrang!
I Zuekunft wird’s jetzt speditiv
d’Bewilligung git’s vergäbä
Willsch buä muesch nur s’Zauberwort
„Weiss dr Güggel“ sägä!**

Ouhni de huerä Papierchram...

„Danke Dir, liebe Berta
nur dank dier hend mier kei Frust
Mier chönd buä und gschiirä,
eifach so nach Härzensluscht!
Bertaaa, Bertaaa.....“

**Da hed mä ärnsthaft diskutiert,
beträff Kompetenz
Für s’Grosschind-Hüetä müess me ha
äs Diplom oder Lizenz
Ihr super schlauä Politiker
das finded mier voll fiis
Fürs Politisierä hend ihr doch au
kei Fähigkeitsuswiis!**

„Ein bisschen IQ, ein bisschen Gwunder
Ein bisschen Menschenverstand – gesunder!
Ein bisschen Klugheit, ein bisschen Weitsicht,
nur ganz ein bisschen, das wünschen wir“

**z Frauäfäld hesch Mannä gseih
mit Armä dick wie Bäum
im Sagmähl hend sie tapfer kämpft
für dä Titel vo ihrnä Träum
Dä Muni cha nur einä gwünnä
dä Kilian heds gschaft
mä munklet är heigi denn dadrus
exquisits B-B-B- Bündnerflaisch gmacht**

„Merz - gib mer äs Butterbrot, äs Butterbrot, äs Butterbrot
Merz gib mer äs Butterbrot und Bündnerfleisch dezuä“

**Im Jahr vo dä Friwilligä
da wärded diä all geehrt
Wer underem Jahr Isatz zeigt
friwillig -- nüd umgekehrt.
Es wär ä passendi Gestä drum
und au dezuä no chic
Wenn är friwillig zruggrätet
usem Ständerat, dä Frick**

„Goodbye Bruno, goodbye Bruno goodbye Bruno
villicht willsch glich no gah.....lalalalalala“

**D’SVP wird i Zuekunft jetzt
veränderä s’Profil
Ä Richter zeigt, dass mä nur chund
mit Grössli zu sim Ziel
S’Volk söll Politik verstah
das rüeft sie uf dä Plan
Jetzt weiss dä Bürger, was mä meint
bim Wort: WAHLORGAN**

„Der Lutz tanzt tanzt tanzt wie ein Rocker
ist so nackt nackt nackt, s’ ist ein Schocker
und er schwingt schwingt schwingt
sein Orga-an so hoch
oh oh oh“

**S’ letschtä Jahr isch happig gsi
das Jahr der vielen Löcher
Hagel, Erdöl und Vulkan
Katastrophä noch und nöcher
Au bi üs da gihts es Riesä-Loch
und zwar eis vo dä krassä
Nei, mier meinäd nüd d’Lochmatt
sondern das i dä Kantons-Kassä**

**S’ Parlament vom Kanton Schwyz
hed gseit zum Budget nei
Soviel Geld usgäh, das giengi nüd
das sig nüd einerlei
Jetzt spared’s ii - wo’s nur gahd
sind nunig überem Bärg
Regierig hol der doch ä Rat
bim Tüüfpriis-Migros-Zwärg!**

„Heijo, heijo – so sind die z’Schwyz denn froh
Und s’Parlament rüeft judihui – heijo, heijo!“

**Sit nüschtäm muess dä Hund i d’Schuel
und das im früehnä Alter
Jetzt isch üs klar - nüd wägem Hund
sondern wägem Hundehalter
Det leiht mä nämli suber folgä
für gwüssi Situationä
Drum – wenn dä Maa bim Brünzlä sitzt
Frau, tuenä doch belohnä!**

„Guten Morgen lieber Gatte
gehst du wieder auf das Klo?
setz dich hin und spritz nicht rum --
und mach den Deckel wieder zu.“

All diä chlinä Mäuderli
diä hend hür äs Problem
sie müend ä nüi Loki ha
diä alt rosched extrem
mier hend e guetä Tip für üch
vom Gäld här liit das drii
macheds doch wie bim Bezirk
und nends Mobility

„tschu tschu tschu s Mobility chunt, alli gönd uf d Siitä
wer im Härz kei Mäuder isch, de dörf nüd mitriitä!“

„Das bisschen Haushalt, macht sich von allein,
sagt mein Mann
Das bisschen Haushalt, kann so schlimm nicht sein
sagt mein Mann
Wie eine Frau sich überhaupt beklagen kann,
ist unbegreiflich,
sagt mein Mann
Und was mein Mann sagt, stimmt haargenau,
ich muss es wissen, ich bin ja seine Frau!“

40 Jahre Frauenstimmrecht - jawolllll...

D' HUMIROSI[☆]S and Friends

wünsched üch allnä no
e heijbsch dienigi Fasnacht 2011!

Ä hänzliche Dank üsem Publikum, allne
Gastwirt, Mit-Fasnächtler und
„Material-Zuelieferer“ :-)

Guckst du:

www.frauenchor.ch

Unser Post-skript-IRR-tümer

(oder was es sonst noch zu sagen gäbe...) :

D'Spittalandschaft im Kanton Schwyz
isch Thema Nummer eis
es bringt die Gmüeter in Ufruehr
wiä grad ä suscht ä keis.
1 oder 2 söllid gschlossä werdä
zum Sparä äs paar Rappä
Egal wie's chunt, mier bhaltet bi
üsi Einsiedler Babyklappä

„Wir sind die Babysitter von der ganzen Stadt
und schau, das jeder Bürger was zu tratschen hat
wir schnattern und wir schnorren, das s' die Balken biegt
und singen Boogie...“

Dä Europaländer gahts nöd guät
dä Euro dä isch krank
Ganz viel Gäld das isch jetzt futsch
hend keis meih uf dä Bank
Mir Schwiizer haltet üs da drus
und bliebät ganz neutral
Nur ei Ortschaft, die macht mit
üsä Nachbar s'EU-THAL

„Hopp Schwiiz - Hopp Schwiiz
nume so chasch wiiter cho
Hopp Schwiiz - Hopp Schwiiz
villicht gouhts ja nüm lang so
Hopp Schwiiz - Hopp Schwiiz
und s' EU-thal isch debi!“

De Bauboom isch i vollem Gang
viel Wohnigä sind z'ha
Denn chömed Lüüt mit Kind und so
wo hiä id'Schuel wend gah
Doch Schuelruum de isch jetzt scho rar
s'brucht Platz und – wägem Reim
Tüend umnutzä, zwei Problem sind glöist
s'Langrüti Altersheim.

„Es wird jetzt eng, es wird jetzt eng -
mier bruchäd äs Schuelhuus
D'Chindä gönd dä det i d'Schuel und Pensionär,
diä ziahnd us....“

